

Održana IMPULS sedmica

28.09.2015 09:51



U sklopu regionalnog IMPULS projekta u Budvi, Crna Gora, je u periodu od 21. do 24. 9. 2015. godine održana IMPULS sedmica, a domaćin ovog događaja je bila Uprava za nekretnine Crne Gore.

Navedeni događaj, za koji postoje planovi da se organizira u redovnim godišnjim intervalima u regionu, je organiziran s ciljem okupljanja svim učesnika radnih komponenti IMPULS projekta na jednom mjestu. Stoga su organizirane zajedničke aktivnosti i radionice za sve radne pakete, na kojima se raspravljalo o postignućima kroz prethodne aktivnosti, aktuelnim tehničkim, ali i strateškim problemima, te o načinima napretka, a posebna pažnja posvećena je planiranju uključivanja i drugih interesnih strana iz sfere dijeljenja i korištenja prostornih podataka. Tokom radionica se, uz planiranje regionalnih aktivnosti,

vodilo računa i lokalnim potrebama svih katastarskih agencija korisnica projekta.

Posebnu pažnju svih prisutnih učesnika privukla je sesija predviđena za demonstraciju aktivnosti (pilot-demonstracija) koje su obavljene kroz sve radne pakete u prethodnom periodu. Tako su predstavnici svih katastarskih agencija demonstracijom uživo prikazali pretragu i učitavanja podataka harmoniziranih u skladu s INSPIRE direktivom EU, te načine upotrebe, kao i pretragu metapodataka. U ime Federalne uprave za geodetske i imovinsko-pravne poslove prezentaciju je održao zaposlenik IMPULS projekta i Sektora za geoinformatiku Muris Ćeman. Po završetku radnog dijela događaja, za učesnike IMPULS projekta organizirane su i prigodne „team building“ aktivnosti.

Tokom IMPULS sedmice, pored spomenutih radionica, a kao uvod u sastanak Upravnog odbora projekta, organiziran je i radni sastanak nacionalnih koordinatora projekta. Na sastanku je razmatran dosadašnji status implementacije projekta, planiran raspored aktivnosti za sljedeću godinu te su posebno razmatrani načini daljnjeg unaprjeđenja implementacije ovog kompleksnog projekta, koji uključuje velik broj agencija za katastar iz regiona Zapadnog Balkana.

U ime Federalne uprave za geodetske i imovinsko-pravne poslove, na čelu sa direktorom g. Željkom Obradovićem, događajima su prisustvovali:

Slobodanka Ključanin

Amira Babić

Tomislav Tomić

Muris Ćeman

Nikola Cvjetković

Denis Tabučić.

Glavni cilj Impuls projekta je da zemlje regiona imaju moderan i funkcionalan okvir za dijeljenje prostornih podataka u skladu s regionalnim i međunarodnim zahtjevima. Također, cilj je da se ubrza razvoj inovativnih INSPIRE usluga za bolje donošenje odluka te da se postigne interoperabilnost podataka i usluga. Zemlje korisnice projekta su: Albanija, Bosna i Hercegovina, Crna Gora, Hrvatska, Srbija, Makedonija i Kosovo. Projekt IMPULS finansira Švedska međunarodna razvojna agencija (SIDA) s Lantmäterietom (švedska geodetska uprava) kao partnerom. Državna geodetska uprava Republike Hrvatske će učestvovati kao mlađi partner Lantmäterieta na ovom projektu.